

आकाशवाणी

खबरां ----

1 जम्मू-कश्मीर असेम्बली चुनावें दे अज्ज घोशत नतीजें च नेशनल कांफ्रेंस 42 सीटां जित्तियै सब्बनें शा बड्डी सियासी पार्टी दे तौर पर उभरियै सामने आई ऐ। भारती जनता पार्टी नै 29 सीटां जित्तियै असेम्बली चुनावें च अजें तोहड़ी दा अपना बेहतरीन प्रदर्शन कीता ऐ।

7 आजाद मेदवार बी जेत्तू घोषित। हरियाणा च बीजेपी त्री बारी सरकार बनाने दी तैयारी च।

2 भारतीय ब्हाई ँज अपना 92वां स्थापना दिवस मना करदी ऐ, प्रधानमंत्री नरेंद्र मोदी होरें एयरपोर्ट्स गी शुभकामनां ते ममारकबाद दिती ऐ।

3 राष्ट्रपति द्रौपदी मुर्मू होरें अज्ज नमीं दिल्ली च 70में राष्ट्रीय फिल्म पुरस्कार भेंट कीते, मिथुन चक्रवर्ती गी दादा साहेब फाल्के पुरस्कार दिता गेआ।

4 अटल पेंशन योजना दे लाभार्थिणं दा आंकड़ा 7 करोड़ दा आंकड़ा पार करी गेआ ऐ।

5 केंद्री खेड्ढ ते युवा मामले दे मंत्री मनसुख मांडविया होरें प्रोपे शनल जिम्नास्टिक सेवा सन्यास लैने पर दीपा कर्माकर गी शुभ कामनां दितियां न।

<><><><><><><>

Results Final

केन्द्र शासित प्रदेश जम्मू-कश्मीर च कुल 90 विधानसभा सीटें चा 42 सीटां जित्तियै नेशनल कांफ्रेंस 42 सीटां जित्तियै प्रदेश च इक्कली सब्बने शा बड्डी पार्टी दे तौर पर उभरियै सामने आई ऐ। दुई बक्खी भारती जनता पार्टी नै जम्मू संभाग दिएं 43 सीटें चा 29 सीटें पर जित्त हासल कीती ऐ ते ओह दुए नम्बरें पर काबज होई ऐ। उआं नेशनल कांफ्रेंस ते कांग्रेस पार्टी दा गठन बहुमत लेई लोडचदे 48 दे जादुई आंकड़े गी हासल करदा नजरी आवै करदा ऐ कीजे कांग्रेस पार्टी गी जम्मू-कश्मीर दिएं 6 असैम्बली सीटें पर जित्त हासल होई ऐ। प्रदेश दिएं 90 असैम्बली सीटें चा नेशनल कांफ्रेंस नै 42 सीटां, बीजेपी नै 29 सीटां ते कांग्रेस नै 6 सीटां अपने नांs कीतीआं न। एहदे परैन्त पीपुल्स डेमोक्रेटिक पार्टी नै 3 सीटां जित्तियां न। जम्मू-कश्मीर पीपुल्स कांफ्रेंस, मार्क्सवादी कम्युनिस्ट पार्टी ते आम आदमी पार्टी नै 1-1 सीट हासल कीती ऐ जिसलै के 7 सीटें पर आजाद मेदवारें बी जित्त

थहोई ऐ। साबका मुखमंत्री ते नेशनल कांफ्रेंस दे वरिष्ठ नेता ओमर अब्दुल्ल होंरें बडगाम ते गांदरबल दौनें सीटें परा जित हासिल कीती ऐ। इस्सै चाल्ती कांग्रेस दे पीरज़ादा मोहम्मद सईद होंरें अनंतनाग सीट जिसलै के नेशनल कांफ्रेंस दे अब्दुल मजीद भट्ट होंर अनंतनाग वेस्ट सीट थमां जेतू बने न। जम्मू कश्मीर पीपुल्स कांफ्रेंस दे सज्जाद गनी लोन होंरें हंदवाड़ा सीट अपने नांs कीती ऐ। कांग्रेस पार्टी दे वरिष्ठ नेता गुलाम मोहम्मद मीर होंरें डुरू दी सीट जिती लैती ऐ। सीपीआई (एम) दे मोहम्मद युसुफ़ तारीगामी होंरें कुलगाम दी सीट जिती ऐ। नेशनल कांफ्रेंस दे डाक्टर बशीर अहमद वीरी होंर शिरीगुफ़ वारा-बिजबिहाड़ा सीट थमां जेतू घोशित होए न।

<><><><><><>

Major Victory

किश्तवाड विधानसभा हल्के थवा शगुन परिहार होंरें जित हासिल कीती ऐ। उनें नैशनल कान्फ्रेंस दे दिग्गज नेता ते साबका मंत्री सज्जाद अहमद किचलू होंरें होंरें हराया ऐ। आम आदमी पार्टी दे नेता मेरहाज मलिक होंरें डोडा थवा जित हासिल कीती ऐ। उनें साबका मंत्री ते नेशनल कान्फ्रेंस दे मेदवार खालिद सोहरावर्दी ते साबका मंत्री ते डीपीएपी दे मेदवार अबुल माजिद वाणी होंरेंगी हराया ऐ। सुर्गवासी

सांसद मदन लाल शर्मा हुन्दे पुतर सतिश शर्मा होरें जित हासिल कीती ऐ। उनें साबका उप मुख मंत्री ते कांग्रेस नेता तारा चंद ते भारतीय जनता पार्टी दे मेदवार राजीव शर्मा होरें गी हराया ऐ। आजाद मेदवार डा. रामेशवर सिंह होरें बनी था जित हासिल कीती ऐ। उनें भारतीय जनता पार्टी दे नेता जीवन लाल होरें गी हराया। इन्द्रवाल विधानसभा हल्के था प्यारे लाल शर्मा होरें जित हासिल कीती ऐ। साबका एमएलए चौधरी मोहम्मद अक्रम होरें सुरनकोट था आजाद मेदवार दे तौर पर जित हासिल कीती ऐ। शब्बीर अहमद होरें शौपिया था आजाद मेदवार दे तौर पर जित हासिल कीती ऐ। बनिहाल था नेशनल कांग्रेस दे सज्जाद शाहीन होरें जित हासिल कीती। पीडीपी द वहीद उर रहमान पररा होरें पुलवामा था जित हासिल कीती ऐ। कंगन था नेशनल कांग्रेस दे मिया मेहर अली होरें जित हासिल कीती ऐ। विजयपुर था सुरजित सिंह सलाथिया होरें साबका मंत्री सरदार मनजित सिंह होरें गी हराया ऐ।

<><><><><><>

Defeat

कैई सारे दिग्गज नेताएं गी अज्ज हार दा सामना करना पेआ ऐ इन्दे च कांग्रेस नेता ते 2 बारी सांसद रेई चुके दे ते साबका मंत्री

चौधरी लाल सिंह होरें बी शामिल न । लाल सिंह होरें गी भारतीय जनता पार्टी दे नेता दर्शन कुमार होरें हराया ऐ। भारतीय चुना आयोग दी वैव साईट मूजब 66एं बरे दे लाल सिंह होरें 15 हजार 8 सौ 40 वोट हासिल कीते। उनें गी दर्शन कुमार होरें 16 हजार 34 वोटें कन्ने हराया ऐ। कांग्रेस दे इक होर नेता ते साबका अध्यक्ष वकार सहूल वाणी होर बनिहाल थवा हारी गए न। कांग्रेस नेता रमण भल्ला ते तारा चंद होरें गी बी हार दा सामना रना पेआ ऐ। रमण भल्ला होर आर एस पुरा जम्मू दक्खण ते तारा चंद होर छम्ब थवा चुना हारी गए न। जम्मू इस्ट थवा योगेश साहनी होर चुना हारी गे न। मढ विधानसभा हल्के थवा मुला राम होर चुना हारे। थन्ना मंडी थवा साबका मंत्री शब्बीर खान होर चुना हारी गए न। साबका मंत्री जश पाल कुण्डल होर रागढ थवा चुना हारी गए न। जम्मू नार्थ थवा अजय सडोत्रा होर चुना हारे। नेशनल कांग्रेस दे नेता ते साबका मंत्री सज्जाद अहमद किच्चलु होर चुना हारी गए। भारतीय जनता पार्टी दे नेता जुलू कार चौधरी होर बुद्धल थवा ते जम्मू कश्मीर भारतीय जनता पार्टी इकाई दे अध्यक्ष रविन्द्र रेणा होर चुना हारी गए न। पीडीपी दी इलतिजा मुफ्ति होर बिजबिहाडा थवा चुना हारी गईयां न।

<><><><><><>

Haryana Results

हरियाणा च बी अज्ज 90 असेम्बली हलकें लेई पाए गेदे वोटें दी गिनतरी मुकम्मल होई गेई ऐ। उत्थे बीजेपी नै 48 सीटां जिती लैती दिआं न। कांग्रेस पार्टी नै हरियाणा च 37 सीटां अपने नांs कीतीआं न। इससै चाल्ली इंडियन नेशनल लोक दल नै 2 सीटां जितियां न। जदके आजाद मेदवारें 3 सीटां जिती लैती दिआं न।

बीजेपी दे नेता ते हरियाणा दे मुखमंत्री नायब सिंह सैनी होरें लाडवा सीट थमां जित हासल कीती ऐ। कांग्रेस पार्टी दे वरिष्ठ नेता ते साबका मुखमंत्री भूपिंदर सिंह हूड्डा होरें रोहतक च गड़ी साम्पला किलोई सीट जिती लैती ऐ। इससै चाल्ली बीजेपी दे निखिल मदन होरें सोनीपत दी सीट अपने नांs कीती ऐ जदके हरियाणा सरकार दे मंत्री मूल चंद शर्मा होर बल्लभगढ सीट पर अग्गे चलै करदे न जिसलै के आजाद मेदवार देवेन्द्र कडयान होरें गन्नौर दी सीट पर अपना परचम लहराया ऐ।

<><><><><><>

BJP-REAY

केंद्री मंत्री ते हरियाणा दे साबका मुखमंत्री मनोहर लाल खट्टर होरें आखेआ ऐ जे लोकें कांग्रेस पार्टी गी पूरी चाल्ली नकारी दिता ऐ।

अज्ज मीडिया कन्ने गल्ल करदे होई उनें आखेआ जे लोकें अपने वोट दी ताकत राएं एह संदेश दिता ऐ जे प्रधानमंत्री नरेंद्र मोदी हुंदिएं योजनाएं दा राज्य दे लोकें दा मता पै यदा हासल होआ ऐ ते उंदे जीवन पर इंदा सकारात्मक असर दिखने गी लब्बा ऐ। खट्टर होरें आखेआ जे एह अपने आपै च इक रिकार्ड ऐ जे हरियाणा च त्री बारी सरकारा बना करदी ऐ। बीजेपी महासचिव अरूण सिंह होरें एहदे शा पैहले शुरूआती रूझान सामने औने पर गै आक्खी दिता हा जे हरियाणा च सरकार बीजेपी गै बनाग। उनें आखेआ जे राज्य च लोकें दा भरोसा पूरी चाल्ली बीजेपी पर ऐ।

<><><><><><>

Indian-Airforce Day

भारतीय ब्हाई पैज अज्ज अपना स्थापना दिवस मना करदी ऐ जेदे सिलसिले च चेन्नई दे तांबरम एयरपोर्ट स्टेशन पर पैहली बारी इक कार्यक्रम दा सरिस्ता कीता गेआ। इस मौके पर सीडीएस जनरल अनिल चौहान होरें झंडा चाढ़ेआ। वायु सेना प्रमुख ए.पी. सिंह होरें परेड दा निरीक्षण कीता ते बेहतरीन ते ब्हाई पैजिएं, उत्कृष्ट प्रदर्शन करने आली युनिटें गी पुरस्कार ते प्रशस्ति पत्र भेंट कीते। इस मौके पर परेड गी संबोधित करदे होई वायु सेना प्रमुख होरें आखेआ कि

दुनिया भरै च सुरक्षा दे ताजा हालात ते हिंसक संघर्षे गी दिखदे होई देश दी वायु सेना दा सक्षम ते निग्गर होना अत्त जरूरी ऐ। उने आखेआ जे देश दी सुरक्खेआ ते हितें दी बतै च औने आली कुसै बी चुनौती कन्ने निब्बड़ने लेई वायु सेना गी पूरी चाल्ली तैयार रौहना होग। उने आखेआ जे मजूदा वैश्विक हालात च आधुनिक प्रौद्योगिकिएं च नवाचार दी बड़ी बड़ी भूमिका ऐ। ऐकती वायु सेना दिवस दे विषयसार “सक्षम, सशक्त ते आत्मनिर्भर” दा जिक्र करदे होई उने आखेआ जे एह भारतीय ब्हाई ़ौज दिएं आसें-मेदे ते छमताएं गी नमें लक्ष्यें गी परिभाषित करदा ऐ ते हाल दे समें च वायु सेना अज्जै-कल्लै दिएं तकनीकें कन्ने लैस होइए मती ताकतवर बनी ऐ।

<><><><><><><>

PM-Air Force Day

प्रधानमंत्री नरेंद्र मोदी होरें वायु सेना दिवस दे मौके पर बल गी ममारकबाद ते शुभकामना दितियां न। अपनी इक सोशल मीडिया पोस्ट च उने आखेआ जे ब्हाई ़ौज दी भूमिका सदा गै सराहने जोग रेही ऐ। उने इस मौके भारतीय वायु सेना दिएं कामयाबिएं ते उपलब्धिएं पर आधारित इक वीडियो बी सांझा कीता।

<><><><><><>

Vayu Veer Vijeta Rally

जरनैली सिड़कें सरबंधी केन्द्री राज्य मंत्री हरीश मल्होत्रा होरें अज्ज भारती वायु सेना दिवस दे मौके उप्पर लद्दाख दे थोइस थमां 7 जहार किलोमीटर लम्मी 'वायु वीर विजेता' कार रैली गी झंडी दस्सियै रवाना कीता। रैली च भारती वायु सेना दे बक्ख-बक्ख योद्धा ते उत्तराखंड युद्ध स्मारक दे दिग्गज शामिल न। रैली दा नेतृत्व भारती वायुसेना दे एडवेंचर सेल दे विंग कमांडर विजय प्रकाश भट्ट करै करदे न। कार रैली करगिल, श्रीनगर, जम्मू, देहरादून थमां हुंदे होई इस महीने दी 29 तरीक गी अरुणाचल प्रदेश दे तवांग च संपन्न होग। एहदा मकसद लोकें च भारती वायुसेना दे गौरवशाली इतिहास दे बारै च जागरूकता बधाना ते बक्ख-बक्ख जंगें ते बचाऽ कम्मैं च वायु सैनिकें दी दलेरी दे कम्मैं ते युवाएं गी मातृभूमि दी सेवा लेई आकर्षित करना ऐ।

<><><><><><>

Atal-Pension Yojana

अटल पेंशनल योजना दे लाभार्थिणं दी गिनतरी 7 करोड़ दा आंकड़ा पार करी गई ऐ। शड़े चालू माली बरे दौरान गै 46 लक्ख कोला मते

लोकें इस स्कीम तैहत अपने आपै गी दर्ज कराया ऐ। 2015 च शुरू कीती गेदी इस स्कीम दा मकसद सब्बनें गी समाजी सुरक्षा यकीनी बनाना ऐ, टकोहदा करिये असंगठित क्षेत्र च कम्म करने आलें गी।

<><><><><><>

PM-Navratri

अज्ज 6में नरातः दः मौकः पर प्रधानमंत्री नरेंद्र मोदी होरें मां दुर्गा दः कात्यायनी सरूप गी नमन करदः होई प्रार्थना कीती ऐ जः सब्बनें दक्षावासिएं पर सलामती, तरक्की तः खुशहाली दी किरपा बनी दी रवै। इक सोशल मीडिया पोस्ट पर मोदी होरें लिखआ जः मां कात्यायनी अपनः भगतें दः जीवन गी शक्ति, समर्थ तः हिम्मत कन्नै भरी दिंदी ऐ।

<><><><><><>

Deepa-Mandaiya

केंद्री युवा मामले ते खेड्ढ मंत्री मनसुख मांडविया होरें प्रोः शनल जिम्नास्ट सवां सन्यास लैने पर दीपा कर्माकर गी शुभकामनां दितियां न। कल अपने इक बयान च दीपा नै आखेआ हा जे उनें काः सोच विचार करिए एहः ँ सला लेता ऐ-अजे कि एहः कोई असान ँ सला नेई पर मिगी लगदा ऐ जे इयै सेही समें ऐ। मंत्री होरें अपनी इक सोशल

मीडिया पोस्ट च आखेआ जे समूलचे मुख्यै गी उंदे पर मान ऐ ते ओह लक्खें नोजवानें लेई प्रेरणा न।

<><><><><><>

Congress-JK

राष्ट्रपति द्रौपदी मुर्मू होंरें अज्ज नमीं दिल्ली दे विज्ञान भवन च आयोजित इक कार्यक्रम च 70में राष्ट्रीय फ़िल्म पुरस्कार भेंट कीते। इस मौके पर अपने समें दे मशहूर अभिनेता मिथुन चक्रवर्ती गी दादा साहेब फ़ाल्के पुरस्कार दिता गेआ। प्रशांत नील दी फ़िल्म के.जी.एफ़ -2 गी दऊं श्रेणिएं च अवार्ड थहोआ। मनोज बाजपेयी गी श्रृंखला "गुलमोहर" लेई वेस्ट एक्टर दा पुरस्कार दिता गेआ। रणबीर कपूर स्टारर "ब्रह्मास्त्र"6 लेई प्रीतम गी बेहतरीन संगीत निर्देशक दा अवार्ड दिता गेआ। ऋषभ शेट्टी गी "कांतारा" फ़िल्म लेई बेहतरीन अभिनेता ते नित्या मेनन, मानसी पारेख गी बेहतरीन अभिनेत्री दा अवार्ड दिता गेआ। इंदे अलावा ए.आर रहमान गी पोल्लिनियन सेल्वन-1 लेई बेहतरीन बैकग्राउंड म्युजिक दा अवार्ड ते इस्सै फ़िल्म लेई मणिरत्नम गी बेहतरीन तमिल फ़िल्म दा अवार्ड थहोआ। सूरज बड़जात्या गी "उंचाई" फ़िल्म लेई बेहतरीन निदेशक दा अवार्ड ते नीना गुप्ता गी बेस्ट स्पोर्टिंग एक्सट्रेस दा अवार्ड दिता गेआ।

<><><><><><>

Day ICC Women Cricket

महिलाएं दे आईसीसी टी-20 क्रिकेट विश्व कप च ऑस्ट्रेलिया अज्ज संझां शारजाह क्रिकेट स्टेडियम च ग्रुप-ए दे मैच च न्यूजीलैंड दे कन्नै मुकाबला खेड्ढोग। मैच संझां साइडे 7 बजे शुरू होग। दौनें गै टीमां इस टूर्नामेंट च अपने शुरूआती मैच जिती चुकी दिआं न इसकरियै दौनें गै टीमां अपनी जित दा सिलसिला जारी रखना चाहडन। इंग्लैंड नै कल शारजाह च खेड्ढे गेदे मैच च दक्खन अफ्रीका गी 7 विकेटें कन्नै हराई दिता। इक्तरा।। मैच च दक्खन अफ्रीका तय 20एं ओवरें च 124 रन्ज गै बनाई सकी। एहदे शा पैहले टीम इंडिया नै दुबई च पाकिस्तान गी 6एं विकेटें कन्नै हराई दिता हा। भारत दी महिला टीम ग्रुप स्टेज च 2 मैच खेड्ढोग। इनें दौनें मैचें दी बदौलत इस ग्रुप दे सेमी।।इनल च पुज्जने दी मेद बनी दी ऐ। भारत कल श्रीलंका दे खला।। बी जित दर्ज करना चाहग। एहदे परैन्त अगला मैच भारत औंदी 13 अक्टूबर गी ऑस्ट्रेलिया दे खला।। खेड्ढोग।

<><><><><><>

Nobel-Prize

जॉन एच. होपफील्ड ते जेफ्री ई. हिंटन गी आर्टिफिशल न्यूरल नेटवर्क राएं मशीन लर्निंग गी कामयाब करने आली बुनियादी खोजें ते अविष्कारें लेई 2024 दा पियजिक्स दा नोबेल पुरस्कार दिता जाग।

<><><><><><>

Women-T-20

शारजा च खड्डा जा रदआई.सी.सी महिला टी-20 विश्व कप दा इक मैच च अज्ज आस्ट्रेलिया त न्यूजीलैंड बश्कार मकाबला होग। मैच हुनै कोला किश चिर मगरा ठीक साइड 7 बज शुरू होग। भारत दा अगला मकाबला कल श्रीलंका कन्न् होग।

<><><><><><>